



**LAERSKOOL LOCHNERHOF**  
Sarel Cilliersstraat, Strand / Posbus 124, Strand  
Tel: 021-854 7316 / Faks: 021-853 4711  
E-pos: admin@lochnerhof.co.za  
Webtuiste: www.lochnerhof.co.za  
SMS: LH (gevolg deur boodskap) na 34050



## ***NUUSBRIEF 15 VAN 2013***

### **UIT DIE HOOF SE PEN**

#### SPORTGEDRAGSKODE

Ek besef dat sport deel van my kind se opvoeding is en stel derhalwe die opvoedingsaspek voorop.

Ek motiveer my kind om sport te beoefen om sport se ontwil, eerder as eie gewin of eersug.

Ek aanvaar die gesag van die skeidsregter en sal my kind ook opvoed om die beslissing van die skeidsregter te aanvaar, al blyk dit dat hy verkeerd mag wees.

Ek sal my kind aanspoor om te strewe na 'n skoon gewete eerder as onverdiende applous van die skare.

Ek sal my kind leer dat selfs die sterkste opponent steeds jou vriend bly en dat die gas altyd hoflik ontvang en behandel moet word.

Ek en my kind sal met trots wen, sonder hoogmoed; verloor sonder verskoning en ons sal weet dat belangriker as wen, is die gesindheid wat jy openbaar.

My eerste gelukwensing sal altyd aan die wenner gaan en my eerste dank aan die verloorder.

Ek en my kind sal altyd ons liggaam, gees en gedagtes skoon hou sodat dit altyd 'n eer inhou vir onself, ons span en ons skool.

Ek en my kind aanvaar dat ons nou in die bevoorregte posisie is om op voort te bou.

Ek en my kind aanvaar dat hy/sy deelneem aan sport tot eer van God van wie hy/sy die talent ontvang het.

# DAGBOEK

VRYDAG, 17 MEI

GR.1-7 KUIEROGGEND

SATERDAG, 18 MEI

BEKENDSTELLINGS DAG VIR GR.1 VAN 2014  
GR.7 FUNKSIE

## GRONDSLAGFASE

### Net 'n paar belangrike datums:

**Pinkster:** Hierdie week gaan ons elke oggend saal toe vir Pinksterdiens wat gelei word deur Ds. Leon Marais.

**Assesserings:** Vir die volgende 2 weke sal daar by graad 1, 2 en 3 geassesseer word.

**Konsert:** Vanaf 15 Mei sal daar konsertkaartjies verkoop word in die voorportaal vanaf 07:30 tot 08:00. Indien u geld saam met u kind stuur moet u asb. duidelik die volgende inligting daarop aanbring: Kind se naam en van, graad en klas; hoeveelheid geld en hoeveel kaartjies. 'n Kaartjie kos R50.

Verlede week is 'n brief uitgestuur oor die konsert. Dit sal die week weer aangeheg word by die nuusbrieff. Dankie vir die R100 wat ons alreeds ontvang het. Ons is baie opgewonde oor die konsert en weet dat u dit beslis sal geniet.

10 Junie – Kleedrepetisie

11, 12 en 13 Junie – Konsert

*Ware woorde: Die suiwerste geluk lê in aktiewe en ondernemende dankbaarheid. EJ de Smedt*

### ETIKET: EK WAG MY BEURT AF OM TE PRAAT



## INTERSENFASE

Die werksafbakening vir die Junie-eksamen is reeds aan die leerders gegee. Dit is belangrik dat leerders betyds met hul voorbereiding begin. Ek gee graag die volgende wenke vir die maak van goeie opsommings:

- Begin betyds. Hersien ELKE dag die werk wat daardie dag in die klas gedoen is en hou jou opsommings deurlopend by.
- Maak SELF jou opsommings – dit help nie Ma doen dit vir jou nie. Die maak van opsommings is deel van die leerproses.
- Som aktief op – dit beteken jy moet dink terwyl jy opsom en feite deurlopend bevraagteken. Praat ook oor jou opsommings met bv. jou ouers en verduidelik die werk aan hulle.
- Gebruik kleur (en eenvoudige prentjies) in jou opsommings.
- Gebruik opskrifte en sub-opskrifte sodat jy weet WAT jy besig is om te leer en op te som.
- Gebruik afkortings, pyltjies en kort woorde.
- Hou dit eenvoudig – los lang, onnodige verduidelikings uit.
- Skryf die bladsyverwysing van jou handboek bo-aan elke opsomming.
- Maak 'n breinkaart van die hoofteite nadat jy 'n afdeling klaar opgesom het.
- Hou elke vak se opsommings netjies bymekaar in 'n lêer.

Maak ook 'n lys van belangrike terminologie en hul betekenis per vak in tabelvorm en leer al jou formules.

## SPORT

### Maandag 13 Mei

0/12 & 0/13 Netbal te Gordonsbaai (Top Schools Toernooi)

### Woensdag 15 Mei

Rugby vs Methodiste (Tuis)

Netbal vs Strand Moslem (Weg)

### Donderdag 16 Mei

Hokkie vs SWPS (Weg)

### Vrydag 17 Mei

Hokkietoernooi te SWPS (Weg)

Landloop te Radloff Park (Weg)

Skaak vs Gordonsbaai (Tuis)

## ALGEMEEN

Baie geluk aan die rugbyspanne wat 'n besondere goeie dag teen Hendrik Louw gehad het. (11 van ons 12 spanne het gewen.)

Baie dankie aan al ons **ondersteuners en spelers** vir julle **goeie gedrag** tydens ons wedstryde.

Alle **rugbyspelers** het verlede week 'n dokument rakende **mediese inligting** ontvang. Dit is noodsaaklik dat ons hierdie inligting van die kinders moet kry om so aan SA Rugby se regulasies te voldoen. Indien u seun dit nog nie ingegee het nie, moet dit môre by die skool wees. Geen leerders sal toegelaat word om te speel sonder die dokumentasie nie.

Baie geluk aan al ons seuns en dogters wat deurgedring het na die **finale rondte proewe**. Ons hou duim vas!

Dankie vir al die **ouers** wat die afgelope naweek gehelp het om ons sportkinders by ondeskeie skole te besorg.

## GIMNASTIEK

**Marelise Botha** (gr.4) het aan die Wyland Gimnastiekkompetisie deelgeneem waar sy 'n goue medalje vir Vlak 3 ontvang het.

## OUD-LOCHIES

**Shaun Styger** het deelgeneem aan die S.A. Kampioenskappe vir Moderne Vyfkamp. Hy het die silwer medalje verower.

## PERSONALIA

Baie geluk aan **juf. Annalette Kruger** (gr.1D) wat 13 Mei verjaar en **juf. Louise Buys** (gr.3D) wat op 14 April verjaar. Mag julle 'n wonderlike verjaarsdag hê.

## RENEWED ROSES

Fresh cut roses (6-12 month vase life)

NO water NO maintenance

Kontak Adri 072 784 1210

*'n Voorbeeld van die rose is by die skool se ontvangs. Dit is regte rose wat behandel is - pragtig met 'n verskeidenheid van kleure!*



## LOCHNERHOF: BLOKFLUITUITSLAE 2013

### STELLENBOSCH KUNSWEDSTRYD

#### GRAAD 4:

<b>Marlé Kotzé</b>	solo:	Goud
<b>Wilona Steyn</b>	solo:	Silwer plus
<b>Marlé en Wilona</b>	duet:	Silwer plus

#### GRAAD 5:

<b>Nicolene Esterhuysen</b>	solo:	Goud plus
	duet:	Goud plus

#### GRAAD 6:

<b>Ariska van der Merwe</b>	2 solo's:	Goud plus, Silwer plus
	2 duette:	2 Goud plus
<b>Lizanne Nortjé</b>	2 solo's:	Cum Laude, Goud plus
	2 duette:	Cum Laude, Goud plus
<b>Lizanne, Ariska, Nicolene</b>	trio:	Cum Laude

#### GRAAD 7:

<b>Jamé Phillips</b>	2 solo's:	Goud plus, Goud
	duet:	Cum Laude
<b>Janca Fourie</b>	2 solo's:	Goud plus, Goud
	2 duette:	Goud plus, Goud
<b>Jamé, Janca, Zhanique</b>	trio:	Goud plus

**OPSOMMING: 7 LEERDERS, 20 ITEMS: 4 CUM LAUDES, 9 GOUD PLUS ,  
4 GOUD, 2 SILWER PLUS.**

## Lochie-van-die-Week

GR.1A MARTIN BOTHA

GR.1B ANTON LERM

GR.1C JANA TOERIEN

GR.1D CARLA OOSTHUIZEN

GR.1E DONNÉ OOSTHUIZEN

GR.2A STEPHAN ENGELBRECHT

GR.2B ANRI CRONJÉ

GR.2C CARO LOUW

GR.2D BALDWIN WILLEMSE

GR.3A ZANDER LUDEMAN

GR.3B MARNICH FIVAZ

GR.3C ALEXANDER SMIT

GR.3D CHRISTOPHER SMIT